

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI



Broj: 02-04-1956/20-AP-3  
Datum: 17.7.2020.. godine

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK - SLUŽBA ZA UPRAVU  
DRUŠTVENIH VEŠTAČENOSTI I OPĆU UPRAVU

17-07-2020

Primljeno:	Org.jed.	Klasifikacija	Redni broj	Broj priloga
	01	04	1966/20	

OPĆINSKO VIJEĆE ZAVIDOVIĆI  
n/r PREDSJEDAVAJUĆI OPĆINSKOG VIJEĆA  
gospodin Redžo Seferović

PREDMET: Nacrt Odluke o standardima i kriterijima izbora i imenovanja  
direktora Javne ustanove „Javna biblioteka“ Zavidovići, dostavlja se

U prilogu akta dostavljam Vam Nacrt Odluke o standardima i kriterijima izbora i imenovanja direktora Javne ustanove „Javna biblioteka“ Zavidovići.

Nacrt Odluke o standardima i kriterijima izbora i imenovanja direktora Javne ustanove „Javna biblioteka“ Zavidovići dostavljam Općinskom vijeću Zavidovići radi uvrštavanja u dnevni red sjednice Općinskog vijeća.

S poštovanjem

Dostavljeno:

1. Naslovu,
2. U spis.



OPĆINSKI NAČELNIK

mr. sci. Hašim Mujanović



Broj: 02-04-1956/20-AP-2  
Datum: 17.07.2020. godine

Na osnovu člana 7., a u vezi sa članom 2. stav (1) tačka 1.6. i članom 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) i člana 25. Statuta Općine Zavidovići („Službeni glasnik Općine Zavidovići“, broj: 5/08 i 5a/08), Općinsko vijeće Zavidovići, na \_\_. sjednici održanoj dana \_\_. \_\_. 2020. godine, donosi

## ODLUKU

o standardima i kriterijima izbora i imenovanja  
direktora Javne ustanove „Javna biblioteka“ Zavidovići

### I – OPĆE ODREDBE

Član 1.  
(Predmet regulisanja)

Ovom Odlukom utvrđuju se Standardi i kriteriji za izbor i imenovanje na upražnjenu poziciju direktora Javne ustanove „Javna biblioteka“ Zavidovići (u daljem tekstu: Direktor).

### II – USLOVI ZA IMENOVANJE NA POZICIJU U REGULIRANOM TIJELU

Član 2.  
(Opći uslovi za imenovanje)

- (1) Kandidati za imenovanje na upražnjenu poziciju Direktora, treba da ispunjavaju opće i posebne uslove za imenovanje koji su utvrđeni ovom Odlukom.
- (2) Opći uslovi za imenovanje na poziciju Direktora su:
  - a) da je državljanin Bosne i Hercegovine,
  - b) da je stariji od 18 godina,
  - c) da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine prije dana objavljivanja upražnjene pozicije,
  - d) da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
  - e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
  - f) da nije izabrani zvaničnik, nosilac izvršne vlasti ili savjetnik u smislu Zakona o sukobu interesa u organima vlasti u Federaciji BiH („Službeni glasnik BiH“, broj: 70/08),
  - g) da nema privatni finansijski interes u instituciji u koju se kandiduje,

- h) da nije osuđen za krivično djelo i privredni prijestup nespojiv s dužnošću direktora, javne ustanove, pet godina od dana pravosnažnosti presude,
- i) da je zdravstveno sposoban za obavljanje dužnosti direktora.

**Član 3.**  
(Posebni uslovi za imenovanje)

Posebni uslovi za imenovanje Direktora su:

- a) VSS (VII) stepen stručne spreme ili drugi ciklus studija po Bolonjskom sistemu bibliotekarskog smjera ili nekog drugog društvenog smjera,
- b) minimalno pet godina radnog iskustva u struci,
- c) položen stručni ispit iz bibliotekarske djelatnosti i najmanje godinu dana radnog iskustva poslije položenog stručnog ispita,
- d) program rada i razvoja Javne biblioteke u četvorogodišnjem mandatnom periodu,
- e) rukovodne i organizacijske sposobnosti.

**III – POSTUPAK POPUNE UPRAŽNJENE POZICIJE DIREKTORA**

**Član 4.**  
(Imenovanje i razrješenje)

Direktora iz člana 1. ove Odluke imenuje i razrješava Upravni odbor Javne ustanove „Javna biblioteka“ Zavidovići uz saglasnost Općinskog vijeća Zavidovići.

**Član 5.**  
(Raspisivanje javnog oglasa)

Odluku o raspisivanju javnog oglasa za popunu upražnjene pozicije iz člana 1. predmetne Odluke donosi Upravni odbor Javne ustanove „Javna biblioteka“ Zavidovići u skladu sa Zakonom o ministarskim, vladinim i drugim imenovanjima.

**Član 6.**  
(Komisija za izbor)

Za sprovođenje postupka imenovanja na upražnjenu poziciju direktora iz člana 1. ove Odluke, imenuje se Komisija za izbor.

Komisiju za izbor imenuje Općinsko vijeće.

Komisija za izbor se sastoji od pet (5) članova, a imenuju se u skladu sa kriterijima utvrđenim članom 9. Zakona o ministarskim, vladinim i drugim imenovanjima.

Komisija za izbor u okviru svojih nadležnosti:

- vrši pregled prijava kandidata,
- sastavlja listu s užim izborom najboljih kandidata koji ispunjavaju kriterije za imenovanje,
- provodi intervju sa svim kandidatima koji su ušli u uži izbor,
- dostavlja potrebne obrasce kandidatima koji su ušli u uži izbor,
- dostavlja Općinskom vijeću rang listu uspješnih kandidata na saglasnost,
- vrši i druge poslove koji proizilaze iz Zakona i ove Odluke.

#### IV – OSTALE ODREDBE

##### Član 7. (Trajanje mandata)

Direktor iz člana 1. ove Odluke imenuje se na period od četiri godine i može biti ponovno imenovan.

#### V – ZAVRŠNE ODREDBE

##### Član 8. (Stupanje na snagu)

Ova Odluka stupa na snagu prvog narednog dana nakon njezinog objavljivanja u „Službenom glasniku Općine Zavidovići“.

PREDSJEDAVAJUĆI  
OPĆINSKOG VIJEĆA

Redžo Seferović, s.r.

## O B R A Z L O Ž E N J E

### PRAVNI OSNOV DONOŠENJA ODLUKE

Pravni osnov za donošenje ove Odluke sadržan je: u članu 2. stav (1) tačka 1.6. i članu u članu 7., 8. i 9 Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13) i u članu 29. Uredbe sa zakonskom snagom o ustanovama („Službeni glasnik RBiH“, broj: 6/92. 8/93 i 13/94), koji glase:

“Član 2. stav (1) tačka 1.6.

“Odgovorni javni službenik” je ministar ili drugo lice ili organ u čijoj je nadležnosti regulirani organ i koji prema odredbama ovog zakona ima krajnju odgovornost da obezbijedi da postupak izbora na koji se primjenjuje ovaj zakon bude proveden u skladu sa principima iz člana 3. ovog zakona i postupcima utvrđenim ovim zakonom. Odgovorni javni službenik iz ove tačke je lice ili organ koje je osnovao navedeni regulirani organ. Ako je regulirani organ ili organe osnovao Parlament Federacije Bosne i Hercegovine, skupština kantona, skupština grada ili općinsko vijeće tada je odgovorni javni službenik Parlament Federacije Bosne i Hercegovine, skupština kantona, skupština grada ili općinsko vijeće. Ako je regulirani organ osnovala Vlada Federacije Bosne i Hercegovine, vlada kantona, gradonačelnik ili općinski načelnik tada se oni smatraju za odgovornog javnog službenika.”

„Član 7.

Standardi i kriteriji

1. Svi kandidati za imenovanje u regulirane organe dužni su da ispunjavaju slijedeće opće uslove:

- a) da su stariji od 18 godina,
- b) da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- c) da se na njih ne odnosi član IX.1. Ustava Bosne i Hercegovine.

2. Osim ovih općih uslova, u svrhu određivanja osnove za izbor prema kvalitetu, odgovorni javni službenik će utvrditi standarde za izbor i ocjenjivanje u smislu stepena obrazovanja, znanja, iskustva, poznavanja stranih jezika i drugog, što je, po njegovom mišljenju, neophodno ili poželjno s obzirom na prirodu poslova koje treba obavljati.

3. Prilikom utvrđivanja ili primjene standarda iz stava (2) ovog člana, odgovorni javni službenik neće vršiti diskriminaciju prema bilo kome na osnovu rase, nacionalnog ili etničkog porijekla, boje, vjere, pola, bračnog statusa, porodičnog statusa, invalidnosti ili zbog postojanja osude za koju je izrečeno pomilovanje.

4. Odgovorni javni službenik kriterije za imenovanje čuva u evidenciji.

“Član 8.

Oglašavanje upražnjene pozicije

1. Nakon što su odobreni kriteriji za imenovanje oglas za upražnjenu poziciju se obavezno mora objaviti na najefikasniji mogući način. Oglas se mora objaviti najmanje u "Službenim novinama Federacije BiH" i barem u jednom dnevnom listu velikog tiraža s ciljem da bude dostupan najširoj javnosti. Odgovorni javni službenik je dužan čuvati svu evidenciju vezanu za oglašavanje upražnjenog mjesta.

2. Oglas za upražnjenu poziciju sadrži:

(a) Opis upražnjene pozicije, uključujući i pojedinosti o ulozi potencijalnog kandidata;

(b) Opće uslove potrebne za poziciju iz člana 7. stav 1. tač. a) - c);

(c) Ostale uslove koje je potrebno ili poželjno ispunjavati za tu poziciju iz člana 7. stav 2.;

(d) Uslove iz člana 7. stav 2. koji su obavezni za tu poziciju i one koje je samo poželjno zadovoljavati;

(e) Ako se za poziciju traži da se ispuni obrazac prijave, jasna uputstva kako se obrazac može dobiti;

(f) Spisak potrebnih dokumenata, rok i mjesto za podnošenje prijave. Krajnji rok za podnošenje prijave ne smije biti kraći od četrnaest (14) dana od dana objavljivanja oglasa o upražnjenoj poziciji u traženim novinama.

3. Oglas o upražnjenoj poziciji treba da bude dovoljno detaljan da bi kandidat dao potpunu informaciju o ulozi koju treba vršiti u reguliranom organu, nadoknadi, uslovima službe i dužini trajanja imenovanja i mogućnosti ponovnog imenovanja".

#### "Član 9.

#### Komisija za izbor

1. Komisija za izbor je zadužena za pregledanje prijave.

2. Odgovorni javni službenik imenuje članove Komisije za izbor. Komisija za izbor se sastoji od pet članova.

3. Prilikom izbora komisije za izbor vodi se računa o zakonu ili statutu na osnovu kojeg je osnovan organ. Ako je u tom zakonu ili statutu o osnivanju organa propisan poseban postupak izbora ili sastava komisije za izbor na pozicije u reguliranom organu tada se postupa po odredbama tog zakona ili statuta.

4. Ako je organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu tada odgovorni javni službenik samostalno imenuje komisiju za izbor iz stave 2. ovog člana, te se komisija sastoji od uposlenika tog organa.

5. Ako je u zakonu ili statutu propisano da drugi organ ima ovlaštenje za imenovanje svojih predstavnika u regulirani organ, tada odgovorni javni službenik tog organa imenuje svoju komisiju za izbor za one predstavnike za koje je nadležan i provodi postupak u skladu sa ovim zakonom".

#### "Član 29.

Direktora ustanove imenuje upravni odbor na osnovu konkursa koji se objavljuje u javnim glasilima, uz saglasnost osnivača.

Direktora javne ustanove imenuje i razrješava upravni odbor javne ustanove, na osnovu javnog konkursa, uz saglasnost Vlade RBiH, izvršnog organa opštine ili izvršnog organa gradske zajednice.

Lice koje nije dobilo saglasnost za direktora od strane Vlade RBiH, izvršnog organa opštine ili izvršnog organa gradske zajednice, ne može na ponovnom konkursu biti imenovano za direktora odnosno vršioca dužnosti direktora.

Ako se ne izvrši imenovanje direktora javne ustanove, upravni odbor imenuje vršioca dužnosti direktora. Izuzetno, u uslovima neposredne ratne opasnosti ili rata, direktora odnosno upravni



odbor javne ustanove imenuje i razrješava Vlada RBiH, izvršni organ skupštine ili izvršni organ gradske zajednice.

Uslovi za imenovanje direktora utvrđuju se zakonom i pravilima ustanove.

## RAZLOG ZA DONOŠENJE ODLUKE

Zakon o ministarskim, vladinim i drugim imenovanjima u Federaciji BiH je regulisao otvoreni postupak izbora kojim se vrši konačno imenovanje i ponovno imenovanje na pozicije u reguliranim organima prema kojima Općina ima prava i obaveze osnivača i vrši ovlaštenja i obaveze vlasnika državnog kapitala i ima zakonsko pravo da vrši nominacije i imenovanja organa upravljanja i organa rukovođenja.

Dana 23.06.2020. godine Službi za upravu društvenih djelatnosti i opću upravu Općine Zavidovići obratio se Upravni odbor Javne ustanove „Javna biblioteka“ Zavidovići zahtjevom za imenovanje Komisije za izbor i donošenje standarda za izbor direktora JU „Javna biblioteka“ Zavidovići. U navedeno zahtjevu upravni odbor ukazao je na potrebu pokretanja postupka imenovanja direktora u skladu sa Zakonom o ministarskim, vladinim i drugim imenovanjima obzirom da Javna ustanova „Javna biblioteka“ Zavidovići ima svojstvo reguliranog organa u smislu člana 2. stav 1. tačka 5. istog Zakona.

Obzorom na opravdanost navedenog zahtjeva pristupilo se izradi predmetne Odluke.

## POJAŠNJENJE POJMOVA

Prema Zakonu o ministarskim, vladinim i drugim imenovanjima Federacije Bosne i Hercegovine, obrazloženi su pojmovi:

Članom 2. stav (1) tačka 1.6. obrazlaže se pojam odgovornog službenika:

„Odgovorni javni službenik“ je ministar ili drugo lice ili organ u čijoj je nadležnosti regulisani organ i koji prema odredbama ovog zakona ima krajnju odgovornost da obezbijedi da postupak izbora na koji se primjenjuje ovaj zakon bude proveden u skladu sa principima iz člana 3. ovog zakona i postupcima utvrđenim ovim zakonom. Odgovorni javni službenik iz ove tačke je lice ili organ koje je osnovao navedeni regulirani organ. Ako je regulirani organ ili organe osnovao Parlament Federacije Bosne i Hercegovine, skupština kantona, skupština grada ili općinsko vijeće tada je odgovorni javni službenik Parlament Federacije Bosne i Hercegovine, skupština kantona, skupština grada ili općinsko vijeće. Ako je regulirani organ osnovala Vlada Federacije Bosne i Hercegovine, vlada kantona, gradonačelnik ili općinski načelnik tada se oni smatraju za odgovornog javnog službenika”.


Članom 2. stav (1) tačka 1.5. obrazlaže se pojam regulirani organ ili organi:


“Regulirani organ ili organi” (zavisno od konteksta) je: (i) organ u kojem vlada, kantonalni, gradski ili općinski organi vlasti imaju pravni interes (uključujući vladine agencije i preduzeća bez obzira da li su u cjelini ili djelimično u vlasništvu vlade, penzijski fondovi i slično); (ii) nije obuhvaćen Zakonom o državnoj službi niti je izričito izuzet navedenim zakonima; i (iii) u kojem vlada ili vladini organi ili Parlament Federacije odnosno kantonalni, gradski ili općinski organi vlasti, prema važećim zakonima, pravilima i propisima imaju zakonito pravo da vrše nominaciju odnosno imenovanje u taj organ”.

Predlaže se Općinskom vijeću da usvoji predloženu Odluku.

# FINANSIJSKA SREDSTVA POTREBNA ZA SPROVOĐENJE ODLUKE

Za sprovođenje ove Odluke neće biti potrebno planirati određena sredstva u Budžetu općine Zavidovići za 2020. godinu.

Obradila:   
(Nadina Mehinagić)

Kontrolisao:   
(Idriz Alihodžić)



OPĆINSKI NAČELNIK

mr. sci. Hašim Mujanović 